


www.BibleForChildren.org

Matiu 8




Phei narane ke leghugna igne, mare ne eni kaisei
gaghamu tholaghi ka namono te kiloi Kena, ka provins
Galili. Eghuteuna idogna mae Jisas na ne au langau
baludi keha naikno teke mei ka gaghamu tholaghi na.



Hatimare ne toreni mae Jisas baludi nogna mae
fanomhore mala au langau ka gaghamu tholaghi igne.




Fari hoteigna gaghamu na, waen te mala ko'u mare ka vido tuana na la gnafahi. Aonu idogna mae Jisas na ne mei cheke egghu ka mana, "Thuguo, rehati la theo waen te mala ko'u na." Aonu, idogna mae Jisas na tei ne cheke egghu ka mae glokure, "Eni unha te chekeni mana ka ghotilo na."



Mae Jisas ne cheke eghu ka mae glokure,
"Ghotilo toho fafodu botol bi'o igre ka
kho'u." Mae glokure leghuni nogna cheke
mae Jisas na ne toho fafodu ne ngata
botol bi'o igre.



Aonu mana ne cheke eghe ka mae glokure,
"Ghotilo totoho fakasa katha kho'u mala
atha tei ka mae bi'o te are'are gna
gaghamu gne." Mare leghui chekegna mae
Jisas igne ne atha ne tei katha kho'u teke
vuhai waen na ka mae
bi'o na.



Mana gnaignami ne nongharini kho'u teke vuhai waen
igne. Eghuteuna mana ne thofno jaglo nogna fara,
naugna mana theome
laseni waen te keli igne
neke mei funugna aheva.
Nu mae gloku teke toho
kho'u na laseni igne.



Mae bi'o mala are'are gna gaghamu na ne kilo meini
mae te tolaghi na, ne cheke egghu ka mana, "Funu tifa
te mei na tahati kulu tufa
koba waen te keli na ka
naiknore. Ke legghu, kate
ko'u fara mare waen te
keli na, ame tufa nga
waen te theome
ra'e keli na legghu
lahu egghu sia."



Nu iagho ne tathaji neu ngala waen te keli na ne ghilei
thoke gognaro gne."



Igne kofubobhoi ulu lahu teke eni
mae Jisas ka namono Kena ka
provins Galili.





Jare mae Jisas ne
falalase nogna nola
bi'o God na, eghuteuna
nogna mae fanomho
manare ne fatutuani
ni mana.



Mae Jisas tei ne ruma ka suga mae
Pita na. Mana filoni nanghogna mae
Pita na fogra thuru neu ka sape na.




Mae Jisas lao ne habo ka khameгна na'a na,
eghuteuna fogra na ghosei neke ghaota. Aonu, na'a
kegra haghe ne tarabana gano malagna mana.



Ka grafi tuana, ke leghugna tela pluluhi naprai na,
naiknore hata ne mei ka mana naikno te gnafa te
fogra ba te au naitu
tadi. Naiknogna
namono tuana ne
kafe khapru mei ke
ulugna suga te au
teu mae Jisas na.



Mae Jisas ne kafe fakelidi ne gnafa naikno te au
kmana nafnata khabru tadi. Eghuteuna mana ne brue
teidi la naitu te kmana teke au ka naiknore. Nu mae
Jisas theome snakredi naiture te cheke na, naugna
mare lasenihi mae Jisas.



Naiknore ne magnahaghei te mei te kafe haboni mae
Jisas, naugna mare filoni nogna nolaghi God na au ka
mana ne jifla mei
ka mana ne
kafe fakelidi.



Aonu kmana naikno ne khapru mei ka suga na, theo kaisei vido te snagla. Naiknore fodu funu ka grengatha na posa kosi. Eghuteuna kate toutonu mae Jisas chekegna God na ka naiknore, hatimare fati mae pala ne mei kaisei mae te blughu.



Nu mare theome tangomana te
palani mana te mei ka mae Jisas
na naugna ne kmana
fara naikno na.



Aonu mare pala ne haghe ke tagru
suga ne hohoro kaisei khora
ghoghodogna te au mae Jisas
na. Eghume mare ne farurhu
soruni mana balugna nogna
sape na ke ulugna
mae Jisas.



Kate filo glanini mae Jisas nodi fatutuani bi'o mare
na, mana ne cheke eghu
ka mae te blughu
na, "Ghema kheraguo,
iara la hata
fadeleghi
nakhibomu iagho
re." "Te chekeni
iara ka iagho na,
kegra haghe.
Hata nou khifra
na tei ka
sugamu na!"




Mae Jisas ne saghe ka mola na,
eghuteuna nogna mae fanomhore
ne kafe tei balugna mana.
Kate kasa mare ka kholo
na, kaisei nuri blahi ne
thoke mei ka mare
fari hotei nhorora.




Kholo na ne funu di'a, ne galo bi'o fara, kholo na ne
funu haghe ka mola na. Nu
mae Jisas ne
thuru iho.



Ka vido tuana mae Jisas ne cheke eghu ka mare,
"Thosei mhaghu, theo kaisei nafugna te mhaghu
ghotilo na! Ghotilo theome bi'o kolho nomi fatutuani
na ka God." Mana kegra haghe ne cheke
eghu faheta ka nuri na,
"Beata sagho!"
Eghuteuna ke jaola
ka galore mala sola.



Ka vido tuana nhorora na ne lehe soru ne beata fara.
Mare te gnafa na ne jaglo nodi fara, ne cheke egghu,
"Tore, unha nafnata mae si ignea? Nuri ba ne galo
fa'uveni ngala chekegna mana na!"



God ne namhadi fara naikno te au kau
nauthoglu igne. Naugna igne mana ne
snakre meini thofno mae Thugna
kaisei ngala mala ihei te fatutuani
ni mana na ginauna theome lehe
fabrahu, nu mana na
karha fabrahu
tifa tifa.



Rom 3:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Rom 6:23 Theo. Naugna naikno te gnafa ka
nauthoglu igne kafe tapla jafra ka nakhibo.
Eghume mare kafe au khaba ka God
mae ihei te doglo fabrahu.

Hibru 9:27 Naikno te gnafare na kaisei
fata lehe kolho, ke leghugna igne
God ginauna fatedi mare.



Efesus 2:8,9 Ka narane teke fatutuani ghotilo na, God neke fakarhi ghami. Ghotilo theome tangomana te fahaehaghe ghami themi neke hatini thofno nakarha na naugna gloku teke edi themire teuna. Theo. Ghotilo neke hatini thofno nakarha igne ka nogna khokofakasai God.

Rom 10:9,10 Jame te cheke egghu iagho ke uludi naikno te gnafare, "Jisas na mae funei!" Eghuteuna te thofno fatutuani iagho ka nagnafamu na, God neke fakarha fapuloni mana kau glehe teuna, mana ginauna fakarha nigho iagho. Naugna te fatutuani tahati ka nagnafada na, God na toggho ghita mala au doglo ka tathagna thegna na. Eghuteuna te cheke thakleni tahati noda fatutuani na, God ginauna na fakarha ghita.



Jone 3:16,17 God ne namhadi fara naikno te
au kau nauthoglu igne. Naugna igne mana ne
snakre meini thofno mae Thugna kaisei
ngala mala ihei te fatutuani ni mana na
ginauna theome lehe fabrahu, nu mana na
karha fabrahu tifa tifa.

Naugna God neke theome kuru meini mae
Thugna na ka nauthoglu gne mala mei fateni
ihei te jafra ka nauthoglu igne, nu mei mala
karha naiknore ka mana.



Ululahu Jone 5:11-13 Igne unha te chekeni God
ka tahati na: God tusu ranghi ghita karha fei
tifa, eghuteuna karha igne mei balugna Thugna.
Eghume ihei te hatini Thugna God na hatini
thofno karha na. Nu ihei te theome hatini
Thugna God na theome hatini thofno karha na.
Iara riso ari letas igne ka ghotilo naikno te
fatutuani ni Thugna God ra. Iara riso ari ka
ghotilo mala laseni gognaro ghotilo te
hatini thofno karha na.



Matiu 8-9; Mak 1-2, 4; Luku 4, 8; Jone 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Wycliffe Bible Translators Inc. (mrn) © 2022,
All rights reserved.

<https://www.bible.com/bible/3230/GEN.1.NKJV>

©2026 Bible for Children, Inc.

www.M1914.org

www.bibleforchildren.org

